

Urden da fatschenda

Basa

1 Sco basa servan igls statuts da l'uniùn. An quels en descrets igl intent, la cumembràntza, las leztgas, l'organisaziùn sco ear las leztgas a las cumpetenzas digls diferaints organs da l'uniùn.

2 Igl urden da fatschenda regulescha la lavur da la suprastàntza a las finanzas da l'uniùn.

Suprastàntza

1 La definiziùn da la suprastàntza da l'uniùn a las sias leztgas en nudadas agl artetgel Art. 8 a 9 digls statuts da l'uniùn.

2 La suprastàntza saradùna, aschi savens sco las fatschendas pratendan. Igl vean fatg egn protocol da mintga sasida. Quel vean aprovo an la sasida ca savunda. Igl protocols vignan arcivos. Igl president/la presidenta tarmeta igl anvid par regla seglmains 5 gis avànt la sasida. El/Ella fa egna glista da tractandas a magna la sasida.

Leztgas digl post da presidi

- anvid, tractandas a manada da las sasidas a da las radunàntzas
- rapreschantàntza da l'uniùn anorviers
- corespundenza cugl màn public a cun privats

Leztgas digl post da cassa

- manar la cassa da l'uniùn
- far il quent anual ad igl preventiv sco ear igl preventiv par projects
- administrar cumembers

Leztgas digl post d'actuar

- scriver igl protocol tier sasidas a radunàntzas
- mantaner actual la pagina d'internet a las medias sozias

Leztgas digl raspunsavel /da la raspunsavla pigl arciv a pigl museum

- management a controla da la survagliàntza digl museum
- organisaziùn a deposit digl arciv

Leztgas digl raspunsavel/da la raspunsavla par la tecnica a la logistica

- raspunsavladad pigl mantegnaint digl bietg Tgea da Schons

Ulteriuras leztgas vignan partgidas tier agls cumembers da la suprastàntza tanor cunvagnientscha.

Finanzas

Reglamaint d'indemnisaziùn

Par indemniser la lavur an suprastànza sco ear par indemniser ulteriuras lavurs par l'uniùn, fa la suprastànza egna proposta par màns da la radunànza da cumembers. Quella vean mintgon aprovada.

Plan da finanziaziùn

Igls mieds finanziaals sacumponan da la contribuziùn da cumembers a cumembras, ca vean mintgon fixada, sco ear dad imports da fautors, da mieds publics a da retgavs ord activitats da l'uniùn.

- 1 contribuziùn da cumembers par parsùnas natiralas: parsùnas singulas
- 2 contribuziùn da cumembers par parsùnas giuridicas
- 3 contribuziùn da fautors (ear firmas ad instituziùns)
- 4 mieds publics
- 5 retgavs ord activitats da l'uniùn, p.ex. vendita da cudeschs, maletgs, tgartas, colectas tier ocurenzas etc.

Diever digls mieds publics

Igls daners vignan ampundieus par igl manaschi Tgea da Schons, par ocurenzas a projects da l'uniùn a par indemniser la lavur an a par l'uniùn. Plenavànt san'ign sustaner finzialmeing aranschamaints culturals an a projects sco p. ex. publicaziùns ord a sur da la Val Schons.

aprovos igls 3 d'october 2020 an la radunanza generala